



Бүгд Найрамдах Монгол Ард Улсын Сайд нарын Зөвлөлийн

ТОГТООЛ

1968 оны 7 дугаар
сарын I-ний өдөр

Дугаар 318

Улаанбаатар
хот

Комплекс төхөөрөмжийн импорт
нэгдэл байгуулах тухай.

Гадаад орнуудаас авах зээлийн талаар байгуулагдсан хэлэлцээрийн үндсэн дээр контракт хийх ажлыг нэгтгэн төвлөрүүлэх, зээлийн хөрөнгийн ашиглалт ба контрактын биелэлтэд тавих хяналт, бүртгэл тооцооны ажлыг сайжруулах зорилгоор БНМАУ-ын Сайд нарын Зөвлөлөөс ТОГТООХ нь:

1. Гадаад орнуудаас зээлийн хөрөнгөөр авах бүх төрлийн тоноглол, төхөөрөмж, материал, машин механизм, экспедици, техникийн баримт бичгүүд, гадаад худалдааны шугамаар авах зээлийн бараанаас бусад, мөн зээлийн хэлэлцээрээр ирүүлэх мэргэжилтэн, гадаад орнуудад хүн явуулж сургах зэрэг асуудлаар өөрийн улсыг төлөөлөн контракт байгуулах, зээлийн ашиглалт, контрактын биелэлтэд хяналт тавих, тайлан бүртгэлийн ажлыг зохион байгуулах үүрэг бүхий, "Комплекс төхөөрөмжийн импорт нэгдэл"-ийг аж ахуйн тооцооны үндсэн дээр Улсын Барилга-Эдийн Засгийн Комиссын харьяанд байгуулж, уул нэгдлийн дарга нь Улсын Барилга-Эдийн Засгийн Комиссын орлогч дарга байхаар тогтоосугай.

2. Гадаад худалдаа, мөн гадаад худалдааны шугамаар авах зээл, шинжлэх ухаан-техникийн хэлэлцээрээр ирүүлэх мэргэжилтэн, бараа материал, тоноглол төхөөрөмж, машин механизм авах хүн явуулж сургах талаар хийгдэх бүх тооцоо ба контракт байгуулах ажлыг Гадаад Худалдааны Яаманд хариуццусугай.

3. Комплекс төхөөрөмжийн импорт нэгдлийн харьяанд техник тусламжийн бааз ^{БН}суурин дээр комплекс төхөөрөмжийн бааз байгуулж,

2.

ут баазад гадаадаас зээлийн хөрөнгөөр төв чиглэлээр ирэх комплекс төхөөрөмжийг шууд хүлээн авч байх журам тогтоосугай.

Зээлээр ирэх комплекс бус төхөөрөмж ба материалыг холбогдох нам, газруудын баазуудад шууд буулгаж байхын гадна, хязгаарын дамжлага баазуудаар ирэх зээлийн бүх комплекс төхөөрөмж, материалыг уул баазууд дээр хүлээн авч байхаар тогтоосугай.

4. Комплекс төхөөрөмжийн импорт нэгдэл байгуулж байгаатай холбогдуулан, Улсын Барилга-Эдийн Засгийн Комиссын Ерөнхий захиалагчийн газрыг татан буулгаж, түүний үүргийг тус нэгдэлд хариуцуулсугай.

5. Комплекс төхөөрөмжийн импорт нэгдлийн байгуулсан контракт ёсоор зээлийн хөрөнгөөр ирэх тоноглол, төхөөрөмж, материалыг аж ахуйн гэрээний үндсэн дээр энэ тогтоолын 2-р зүйлд зааснаар өөрийн харьяа баазад шууд хүлээн авч, зориулагдсан зүйлд олгох ба тооцоо хийх, зохих мэдээ тайланг тогтоосон журмаар тус нэгдэлд гарган өгч байхыг Гадаад Худалдааны Нам, Хөдөө Аж Ахуйн Нам, Барилга ба Барилгын Материалын Үйлдвэрийн Нам, Сангийн аж ахуйнуудыг удирдах газар, Геологи шинжилгээний газар, Тээвэр, Холбооны Наманд даалгасугай.

6. Комплекс төхөөрөмжийн импорт нэгдлийн шугамаар хариуцах бүх үүргийг Зөвлөлт Холбоот Улсаас бусад гадаад улсуудад суугаа өөрийн худалдааны төлөөлөгчдөд хариуцуулаж байхыг Гадаад Худалдааны Наманд даалгасугай.

Үүнтэй холбогдуулан Польш, Чехословак, Унгар, Ардчилсан Герман улсад суугаа манай худалдааны төлөөлөгчийн аппаратад тус нэгдлийн төлөөлөгчийг /орон тоо нэмэхгүйгээр/ бий болгосугай.

7. Зөвлөлт Холбоот Улсад суугаа Монголын Элчин сайдын Намны эдийн засгийн зөвлөхийн аппаратыг эдийн засгийн зөвлөхийн товчоо болгож, эдийн засаг, шинжлэх ухаан-техникийн ажиллагааны хувьд Сайд нарын Зөвлөлийн Эдийн засгийн хамтын ажиллагааны

хороонд, зээлийн асуудлын хувьд Улсын Барилга-Эдийн Засгийн Комисст тус тус хамрааруулан, энэ товчооны ашигатад комплекс төхөөрөмжийн импорт нэгдлийн төлөөлөгчийг бий болгосугай.

8. Комплекс төхөөрөмжийн импорт нэгдлийн ажиллагааны зардлыг нөхөхөд зориулсан шимтгэлийн хэмтээг тогтоож өжийг Сангийн Яам /н.СОДНОМ/-д даалгасугай.

9. Тус нэгдлийн шугамаар гадаадын зээл ба худалдаагаар ирэх комплекс төхөөрөмжийг 1964 оны I дүгээр сарын I-нээс эхлэн, захиалагч байгууллагуудад зохих үнээр нь худалдаж байх журмыг тогтоож, зээлээр авах комплекс төхөөрөмжийн үнийг Улсын Төлөвлөгөөний Комиссоос баталж байсугай.

10. Комплекс төхөөрөмжийн импорт нэгдлийн дүрмийг баталж гаргахыг Улсын Барилга-Эдийн Засгийн Комисс /н.МАЙДАР/-т даалгасугай.

11. Улсын Барилга-Эдийн Засгийн Комиссын ерөнхий захиалагчийн газар татан буугдаж байгаатай холбогдуулан, аж ахуйн тооцоогоор ажиллаж байгаа „Алтай” зочид буудал, мэргэжилтний орон сууцны захиргаа, үйлчилгээний авто баазуудыг нэгтгэж, аж ахуйн тооцоотой мэргэжилтнийг үйлчлэх газрыг байгуулсугай.

Б Н М А Улсын Сайд нарын
Зөвлөлийн орлогч дарга

ДУГЭРСҮРЭН

Б Н М А Улсын Сайд нарын
Зөвлөлийн Хэрэг эрхлэх
газрын дарга

БАДАРЧ

Хуулбар үнэн Тогтоол Ангийн
эрхлэгч



Б.А. Дорж
ДАГВАДОРЖ /